



Inatsisartunut ilaasortat
Sivert K. Heilmann
Knud Kristiansen
-/maani

Inatsisartunut ilaasortat, Sivert K. Heilmann aamma Knud Kristiansen, Atassut, § 37 naapertorlugu apeqqutaannut allakkatigut akissut.

28. marts 2012
Sagsnr. 2012-063733
Dok. Nr. 862445

Apeqqummut qujavunga, ikiaroomartumillu atonerluinerup pitsaaliorneqarnissaa ukkattariaqaripput isumaqatigilluinnarpassi.

Postboks 1160
Tlf: 34 50 00
Fax: 32 55 05
3900 Nuuk

Email: pn@nanoq.gl
www.nanoq.gl

Apeqqut imaappoq:

Apeqqut: Aangajaarniutininik atuinermi ajornartorsiutip annertusiartuinnarnera aki-orniarlugu qanoq Naalakkersuisuniik iliuuseqartoqartoqarniarpa? Qaammatit si-samat (4) ingerlanerinnaani 15 %-it anaananngortut naartunerup nalaani Hash-imik atuisuusimasut oqaatigineqarpoq, meerartaarineqartullu inunnguinnartut intensiv-imi nakkutigineqartariaqartarsimasut.

Akissutigam marlungorlugu avinneqassaaq, immikkoortumilu siullermi pineqarpoq naartusut akornanni ikiaroomartumik ajornartorsiuteqarneq tassanilu suliniutit, kiisalu aappaattut pineqarpoq Naalakkersuisut nalinginnaanerusumik suliniutaat.

Siullermik kisitsit 15 %-i (naartusut ikiaroomartumik atonerluisut) tusagassiuutini arla-linni saqqummiunneqartoq nangaanartoqartorujussuurtut erseqqissarneqassaaq, pissu-tigalugu kisitsisitigut paasissutissat tatiginartuunngimmata. Taamaakkaluarpalluunniit kisitsit soorunami erngumalersitsivoq.

Juumuup misissuinerani siulleq naartunermi sapaatip akunnerisa 12-ianni pisarpoq, naartusunullu tamanut aangajaarniutininik atuneq apeqqutigineqartarpoq. Naartusoo ikiarootartuusimappat tamanna naartuneq pillugu nalunaarsuiffimmut allanneqartarpoq, naartusorlu ikiaroomartup ajoqusilluni sunniutaanik juumuup ilitsersuuttarparaa. Juumuup misissuinerini tulluittuni tamani ineriartorneq malittarineqartarpoq. Ernisunik nalunaaru-teqartamerup 2011-mi novembarimi iluarsaanneqarnerani kingullermi ikiaroomartumik atuinermit krydsiliiffissaq ilanngunneqarpoq, tamatuma siunissami malittarinissaanut periarfissaqalerumalluni, paasissutissallu tatiginarnerulersinniarlugit.

Ikiaroomartumik atonerluineq naartunermit naartumullu annertoorujussuarmik sunni-sarpoq, naartusullu atonerluinermit katsorsartinnissamut ikiorneqarnissamik pisariaqar-titsisut tamarmik atonerluinermit katsorsartinnissamik neqeroorfigineqartarput. Sulini-arneq taanna meeqqanut inuusuttunullu periusissamik suliniarnernut ilaavoq, taa-maattumik ilaqutariinnut naartusortaqartunut atonerluinermit katsorsartinnissamut aningaasanik tassungarpiaq atugassanik immikkoortitsisoqarpoq.


Innuttaasut nalinginnaanerusumik paasisutissinneqartarnerannut tunngatillugu Naalakkersuisut oqaatigisinnaavaat aanngajaarniutit pillugit paasisutissiisarneq meeqqat atuarianni atuartitsinerup ilaatut ilaareemat. Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagasatullu anguniagassat pillugit Namminersornerullutik Oqartussat nalunaarutaanni nr. 16-imi, 24. juni 2003-meersumi aalajangersagaqarpoq, nukarlernut § 35-mi, imm. 5-imi, akullernut § 36-mi, imm. 5-imi aamma angajullernut § 37-mi, imm. 5-imi, tamatuma kingorna akulliit atuariata naammassinerani naatsorsuutigineqarpoq atuartup "aanngajaarniutitik atornerluincrup, tassunga naamaarneq, pujortarneq imerajuttuunerlu ilanngullugit, imminermut, ilaquattanut, qanigisanut inuiaqatigiinnullu sivikitsumik sivisuumillu timikkut, tarnikkut inooqatigiinnermullu kinguneri ilisimasaqarfigissagai...", meeqqallu atuariata naammassinerani "katsorsaariaatsit assigiinngitsut, tamatumunnga ilanngullugit tupamik, imigassamik, aalakoornartumik, ikiaroornartumik assigisaannillu atornerluineq ilisimasaqarfigissagaat aamma katsorsaaviit peqatigiiffillu nunatsinniittut ilisimassavaat".

Kommunini sisamaasuni tamani pitsaaliuinermut ataatsimiittitalianik pilersitsisoqarpoq, najukkami oqallittarfimmik isumannaarisussanik, suliaasaqarfiit akimorlugit inuttalersukkanik, suliaassaralugillu kommunini pitsaaliuinermut siunnersortit suleqatigalugit najukkami peqqinnerulersitsiniarnerup pitsaaliuinermillu sulinerup ataqatigiissaarnerisa isumaginissaat. Suliaasat taakkua ilaagaat ikiaroornartumik imigassamillu atornerluineq.

Paarisa 2011-mi TV-kkut paasisitsiniaanermik ingerlatsivoq, ikiaroornartoq aanngajaarniutillu allat pillugit oqallittoqalernissaa anguniarneqarluni, pinerlunnissamut pinaveersaartitsinerumik sulinerumut nukittorsaaqataasussamik. Paasisitsiniaanikkut angajoqqaat allallu inuttut maligassiuissinnaasut aanngajaarniutitik atuiineq pillugu meeqqaminnik oqaloqatiginninnissamut periarfissinniarneqarput.

Ikiaroornartumik imigassamillu atornerluinerumik pitsaaliuinerumut siumut sammisumik sulinerumut tunngatillugu inuit peqqissuunissaannut suliniut nutaaq - Inuuneritta 2013 – 2018 - maannakkut Inuunerittamik nangitsisussaq aallartitippara. Meeqqat, inuusuttut ilaqutariillu ajornartorsiutit aporfigisartagaasa ilarparujussui imigassamik ikiaroornartumillu atornerluinerumik tunuliaqutaqarmata, imigassamik ikiaroornartumillu atornerluinerumik pitsaaliuineq immikkut sammisassatut Inuuneritta 2013 – 2018-ip ataani toqqarneqarpoq.

Inussiarnersumik inuulluaqqusillunga


Agathe Fontain



14. marts 2012

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Aangajaarniutini atuinermi ajornartorsiutip annertusiartuinnarnera akiorniarlugu qanoq Naalakkersuisuniik iliuuseqartoqartoqarniarpa? Qaammatit sisamat (4) ingerlanerinnaani 15 %-it anaanngortut naartunerup nalaani Hash-imik atuisuusimasut oqaatigineqarpoq, meerartaarineqartullu inunnguinnartut intensiv-imi nakkutigineqartariaqartarsimasut.

(Inatsisartuni ilaasortat Siverth K. Heilmann, Knud Kristiansen, ATASSUT)

Tungavilersuut:

Piffissami kingullermi tusagassiuutit aqutigalugit annertuumik sammineqarpoq, aangajaarniutini atuinerup kingunerisaanik aanaanaasut hash-imik atuisarsimasut allaammi qaammatit sisamat (4) ingerlanerinnaani Nuummiinnaq 15 %-it angullugit meerartaarnerminni Hash-imik atuisuusut paasineqarsimasut aammalu meerannguit inunnguinnartut intensiv-imi nakkutigineqartariaqartarsimasut.

Taakku saniatigut tusarsaaleraluttuinnarpoq atuartut ukiukitsut aamma aangajaarniutit pissarsiarinnaaneranik ajornannginneraasut oqattaarsisarsimasut tusarsaaleraluttuinnarnera ATASSUT-miit assut isumakuluttartut tiguvarput.

Nalungilarput pinaveersaartitsineq siunertarlugu Paarisa-lu siuttoralugu nunatsinni suliniarluar-toqaraluartoq, ajoraluar-tumilli peqqinnissaqarfinni, kommuuneqarfinni il.il. ikiaroortartumik akiuiniarneq sakkortusiartuinnarani ukiukitsut isertuaratik misileraasalersimanermi oqariartuuteqartarnerat assut isumakulunnarpoq.

ATASSUT-miit akuerisinnaangilluinnarparput, meerannguit inoorlaat pisuussuteqanngitsut peroriartornerminni innarler-neqarsinnaanerat anaanaasut mianersuaallioqalutik inerteqqu-taasumillu hash-imik atuisarnerat. ATASSUT-miit neriuuti-ginngilluinnarparput siusinnerusukkut massakkullu inatsisartuni qinigaasutut issiasut ilaasa inuusunnerup nalaani ikiaroor-nartumik ooqattaarsisarsimanerminnik tusagassiutitit aqutigalugit tusarliisarnermi ukiukitsuniik nuannaartorineqalersimas-sasut.

Ajornartorsiutip inuiaqatigiinni alliartuinnartutut isikkoqartup tamatta suleqatigiinnitsigut akiorniagassaraarput, taamaattoq Naalakkersuisut qanoq iliuuseqalersaarnersut ATASSUT-miit paasisaqarfigerusupparput.

Neriuutigalugu akissuteqarnissamut piffissaliussap iluani akineqarumaarluta.